



**TENAGA
NASIONAL**

Better. Brighter.

SIARAN AKHBAR PRESS STATEMENT

S.A. 2015/04/40 (HQ)

PENSIJILAN BCM ISO 22301:2012 & MALAYSIA BOOK OF RECORDS BUAT TNB JANAMANJUNG

TNB Janamanjung Sdn. Bhd. (TNB Janamanjung), anak syarikat milik penuh **Tenaga Nasional Berhad (TNB)** baru-baru ini telah menerima pensijilan Business Continuity Management (Pengurusan Kesenambungan Bisnes) ISO 22301:2012, menjadikannya stesen janakuasa Malaysia yang pertama mendapat pensijilan tersebut.

Pensijilan ini, yang turut diiktiraf oleh Malaysia Book of Records, merupakan fasa lanjutan selepas Pensijilan Publicly Available Specification for Asset Management (PAS 55-1: 2008) yang telah diterima pada tahun 2013.

Satu majlis penyerahan sijil oleh SIRIM QAS International dan Malaysia Book of Records telah diadakan di Ritz Garden Hotel, Manjung. Majlis dihadiri oleh Pengerusi TNB, Tan Sri Leo Moggie, Presiden/Ketua Eksekutif TNB, Datuk Seri Ir. Azman Mohd serta ahli-ahli Lembaga Pengarah TNB Janamanjung termasuk Zainudin Ibrahim yang juga Naib Presiden (Penajaan) TNB. Turut serta ke majlis tersebut ialah Ahli Dewan Undangan Negeri (ADUN) Kawasan Pasir Panjang, Dato' Rashidi Ibrahim.

Sijil BCM ISO 22301:2012 dan Malaysia Book of Records telah diserahkan masing-masing oleh Pengarah Urusan, SIRIM QAS International, Khalidah Mustafa dan Ketua Penyelidikan Malaysia Book of Records, Leona Paul kepada Pengarah Urusan TNB Janamanjung, Shamsul Ahmad.

Shamsul berkata pengiktirafan ini diterima hasil daripada amalan yang lebih teratur, efektif dan sistematik dari segi pengurusan risiko, analisa impak perniagaan, kecekapan persediaan dalam pemulihan semula operasi dan pengurangan impak gangguan kepada operasi.

“Latihan dan pelaksanaan amalan-amalan ini yang bermula sejak April 2014 telah membolehkan TNB Janamanjung untuk mempamerkan pengurusan risiko, pengurusan krisis dan perancangan pemulihan yang lebih efektif dan komprehensif.

“Ini sekaligus membantu TNB Janamanjung untuk menyampaikan perkhidmatan yang terbaik sekiranya berlakunya gangguan operasi,” katanya.

TNB Janamanjung, stesen janakuasa terbesar di Malaysia dengan keluasan 325 hektar, ketika ini mempunyai kapasiti sebanyak 2,100 megawatt (MW). Menjelang April 2015, kapasiti stesen ini akan meningkat kepada 3,100MW setelah loji janakuasa Manjung 4 beroperasi sepenuhnya.



Foto 1 : Pengarah Urusan, TNB Janamanjung Sdn. Bhd., Shamsul Ahmad (kiri sekali) menerima sijil BCM ISO 22301:2012 daripada Pengarah Urusan, SIRIM QAS International, Khalidah Mustafa.



Foto 2 : Pengarah Urusan, TNB Janamanjung Sdn. Bhd., Shamsul Ahmad (tiga dari kiri) bergambar bersama pengurusan tertinggi TNB, Presiden/Ketua Pegawai Eksekutif, Datuk Seri Ir. Azman (kiri sekali) dan Pengerusi TNB, Tan Sri Leo Moggie (dua dari kiri) ketika Majlis Malam Penghargaan Pensijilan BCM ISO 22301:2012 & Malaysia Book Of Records buat TNB Janamanjung.

Dikeluarkan pada 2 April 2015 di Kuala Lumpur

*Untuk pertanyaan lanjut sila hubungi Md. Derus Bunchit (019-266 2296) /
Maizatul Nadiah Saadon (017-381 6602)*